

Crac. Univ. Stud. Sagell.

Promotiones Ord. Jurisconsult.

1692. Scate Calend. Aprilis.

Nyx Andry

Piskowski Sebastiani Prologia in actu
promotionis Trium de Collegio Juridico
Crac. DD. Doctorum sub auspiciis S. R.
M. Joannis III. Pol. Regis expedito.



1219

calcomp.

L. Mag. St. B.

P

Biblioteka Jagiellońska



stdr0004630



PROLOQVIA

Clarissimi ac Iure-Consultissimi Viri,

Perillustres, & Admodum Reuerendi Domini,

D. SEBASTIANI PISKORSKI,

V. J. D. & in Universitate Studij Generalis Crac: Professoris,
Ecclesiarum Collegiatarum, SS. Omnium Cracovieñ: AR-
CHIDIACONI, Canonici Velunefi. & c. Facultatis Juridicæ

PROCANCELLARIJ;

In Actu Promotionis

Trium de Collegio Iuridico Crac: DD. Doctorum.

SUB AUSPICIIS,

Sacra Regiæ Maiestatis,

Serenissimi, Inuictissimi PRINCIPIS, ac Domini Clementissimi,

IOANNIS III.

Dei Gratiâ, REGIS Poloniæ, Magni DVCIS Lith.

Russiæ, Prussiæ, Masoviæ, Samogitiæ, Volhyniæ, Podoliæ,
Podlachiæ, Smolensciæ, Livoniæ, Severiæ, Czerniechoviæq;.

in dicta SS. Omnium Ecclesia Collegiata,

EXPEDITO,

Anno Domini, M. DC. XCII. Sexto Calend. April.

HABITA.

& per ANDREAM de Bułowice NYCZ I.V. D.
gratum Discipulum, currenti calamo excepta, ac luci publicæ

DATA.

CRACOVIAE, Typis Uniuersitatis.


In Stemma
Illustriss. & Rndissimi Dñi.

BIBLIOTHECA
VNIV. IAGELL.
GRACOVENSIS.



Hyblæi Flores, Pæstana Rosaria, quasvè
Delicias Veris dulcis Hymettus alit,
Ite valete! mihi præstantior omnibus, una
Est ROSA, quâ floret BVZENIANA Domus.

Illustrissimo, Rñdissimo Dño,
D. STANISLAO
à BUZENIN
BVZENSKI,
Ecclesiarum Cathedralium, Varmien: DECANO, Vicario in Spiritualibus
ac OFFICIALI Generali, Gnesnen: Cracovien:
CANONICO, Strzalkovien: PRÆPOSITO.
DOMINO BENEFACTORI.

 *Va digna cedro, Cressâ digna notâ, prolocutus est, in Actu Promotionis trium Collegij Iuridici Cracovien. Doctorum, Vir ille in primo eruditorum censu Tibi recensitus, ac numero familiarissimorum additus; nè sub rosa dicta haberentur, penitusq; æviternam fallerent memoriam; digna reputavi Florentissimâ ROSA Tuâ, ô & præsidium & dulce decus meum! MECÆNAS. Primi Veris delicia ista, in Parnasso Academiae Cracoviensis gemmantes, debentur omninò Regio matu-
ra aesta-*

ra astatis Flori: qui & profusam adspirat semper
Musis Iagelloneis benevolentiam, & angustæ earum
rei, auream messem reponit: ipse & Laurearum co-
ronis, & vinculum Gratiarum, Literas Literatosq;
in Tuo cordatissimo pectore, strictissimè amplecten-
tium. Ego quidem hebetiore sensu esse nolui, illis: qui
Præceptorē sancti voluere Parentis esse loco: sed ver-
ba Magistri complexus; quā ille Te habet observa-
tione; hanc dictis factis eius, profiteri Tibi volui:
ut quibus eadem Themis Polona cordi est; non di-
spar quoq; voluntas, amplissimo Honori Tuo tribu-
tarios mancipēsq; habeat. Quod dum cultu venera-
bundo exequor; Divinæ Maiestatis clementiam
supplicibus fatigo votis: ut serus in cælum redeas,
diuq; sospes inter sis nobis: Gemma Literati Or-
bis, Ecclesia Lucerna ardens & inextingvibilis.

Illustriss. Rndissimæ Dñationis
Vestræ,

Servus humilissimus;

A. N. I. V. D.

PROLOQUIUM I.



Opus meditatū auspiciatō aggredi, apud omnes maturius in commune consulentes, primum operæ pretium est: & is qui bene cepit, non solum dimidium facti, sed summam coronidem assecutus censetur. Omnis equidem actionis humanæ finis, omnino respicit principium suum: quod bonum si fuerit, melior sequitur exitus; si malum, sequitur ille multo magis. Videmus, qualis fonti irriguo sapor colorque est, talis rivum ab eo deductum, longiora etiam per spatia, consequitur dos primæva sua, & affectio genialis. Aurora quæ serenū diem, solisque ortum auspicata est; seram usque ad vesperam, clarum eundem innubemque deducit. Sacris pariter ac profanis actionibus, quoties bona prælusere omnia; fortunati exitus securos fecere operantes: semperque magni sub præsidio, & auspicio nominis; quantumvis arduum, minore molestia, majore proventu boni, prodijt omne opus. Non leue, mediū fidius est. A A. quod in hac majorum luminarium luce Vestra splendidissima, tenues conamur: nec Phryxovelleri cedere videtur tela ista, quam ordiri attentamus. Nimirum suprema, emeritæ virtuti assignare præmia: Viros quos Iuris Vtriusque consummata prudentia, ac eruditionis omnigenæ cornucopia secernit populo, in summa Laureati Honoris auge constituere: purpuratos Proceres inter lumina Senatûs Academici recensere, ac Or-

Hi eruditō, gemmam hanc tergemina[m] insere; opero-
sum sanē, nec facile, aut momento absolendum nego-
tium est. Quod quantūcūq; tandem molis fuerit; vt
Ecclesiæ, Patriæ, A. Academiæ Matri nostræ benè feli-
citerq; vertat; DEI imprimis, cælitumq; omnium freti
auxilio, quos Pantheon hoc præsentēs nobis propitiosq;
conciliat; auspicatissimam ei tesseram, Augustum Sere-
nissimi, Inuictissimi Principis, Dñi Nostri Clementissimi
IOANNIS III. Poloniarum Regis Victoriosissimi, No-
men præfigimus. Nomen, quod Orbem Christianum,
sub pondere armorum Thracij tyranni extremè fatiscen-
tem, ex ipsis propè faucibus fati excussit, salutiq; reddi-
dit: Ciues vicinosq; trepidis in rebus, vltimo à discrimi-
ne seruauit; sanio[re]m partem Christianorum Principum,
contra communem hostem, inaudito seculis exemplo,
animis pariter ac armis vniuit; gloriam Polonæ gentis,
vltra Oceani immensa littora, & vltimam Thulen, præ-
petibus stupentis famæ pennis prouexit: nobis, vltra
communia vniuersim omnibus exhibita beneficia; hoc
ipsum quod stationem nostram tuemur, quod hîc se-
curi agimus, quod in nidulo nostro, procul metu
procul inuidiâ malorum, Generosam Aquilæ Polonæ
Sobolem; non nobis sed Reipublicæ, sed Ecclesiæ, lite-
ris ac fruge Cleanthea formamus: hoc (inquam) ipsū
dedit impertiu[it]q; nobis liberaliter. Is igitur auspex o-
peris nostri: Is assurgentis principium Musæ, Victor O-
rientis, Austriæ Saluator, miraculum Occidentis, Septem-
trionis terror: Iuuans Pater Patriæ, Ciuium integerrimus

& enixus

& enixus amor: post Titos Constātinofq; , rediuium generis humani delictum: Musarū dulce decus nostrarum, & Apollo augur, Regum IOANNES Maximus. Cuius Augusti Nominis sacro ternario, omne decus omnēq; hodiernæ diei celebritatem supputat, ac in summam deducit Ternio Vester, Viri Consultissimi, Vniufq; Iuris Licentiati. IOANNIS Gratiarum Nomen est: hoc symbolo tres Charites, Vobis Triumuiris ludunt, plausumq; Laureato Honori Vestro faciunt solennem: miranturq; in numero Vestro, tres illos Vniuersi Iuris summos Antistites: quibus Augustus Legislator, integrum compilandarum legum negotium demandauerat, Theophilum, Dorotheum & Tribonianum. Relucet quasi in speculo, in Vobis, Triumuiralis illa Dignitas: quæ quāta olim, enuntiat l. necessarium ff. de O. l. Arcani huius numeri magno mysterio, censere Vos voluit, non casus, sed Deus; qui & ipse numero impari gaudet. Cuius Vos honorem, Ecclesiæq; ejus ab omni iniuria seruandam sacrosanctæ integritatem, pro aris istis legitimè certando euincite: in stadio hæc sic currite, vt comprehendatis: neq; enim edicto Doctoris Gentium coronabitur; nisi qui legitimè certauerit.

PROLOQVIUM II.

Post decisam stylo Iuridico, à DD. Doctoribus, M. ANDREA KRVPECKI, M. IOANNE EKART, M. ADAMO STYRKOWSKI V. I. Profess. & à Magni-

Magnifico D. Alma Vniuersitatis Studij Gener. Crac.
RECTORE, alijsq; Clarissimis DD. Doctoribus,
Questionem de Immunitate Ecclesiastica.

*ad.c. inter alia. De Immunit. Eccl. juncta l. presenti. C. de his
qui ad Ecclesiam conf. Ante professionem Fidei.*

AB initio DEVS, Paradisum voluptatis, proscripto
inde ob præuaricationem mandati sui, primo Parente
nostro, oculatissimo Cherubin custodiendum commi-
sit: utq; ab ingressu ejus, damnatum ad bestias noxam
perpetuò arceret, flammeo gladio dexteram ejus obar-
mauit. Conueniebat equidem tam peruigil custodia,
custoditæ rei tam pulchræ! nimirum omniscia, parte ab
omni perspicax Intelligentia, ligno Scientiæ boni & ma-
li: quod teste scriptura, *erat pulchrum oculis, & visu de-
lectabile.* Sed flammeo gladio, quid cum arbore Vitæ?
Gladium Spiritus vocat Apostolus *Verbum DEI*: secun-
dum eundem, non nisi *fides ex auditu: audient autem per
Verbum Christi.* Iuremerito centoculus Cherub, hoc est
oculatissimus utrâq; Diuinarum Humanarumq; rerum,
scientiâ Doctor, romphæâ fidei armatus esse debet; *ad
custodiendam viam Ligni Vitæ, in medio Paradisi*, idest Ec-
clesiæ, per Paradisum voluptatis figuratæ: cuius ille Im-
munitatem, ab omni vi, iniuriâq; asserere adstrictus est.
Abraham postquam vidit tres Viros, cælestia responsa
ferentes; pronus adorauit in terram, vnumq; in Trini-
tate DEVM palam confessus est, dicens: *Domine si in-
ueni gratiam in oculis Tuis, ne transeas seruum Tuum*; ac pro-
pterea Pater seu Doctor *omnium credentium* dici, promif-
sionemq;

tionemq; nascituri inter homines DEI accipere, primitus
meruit: qui & Unitatem Diuinitatis in Essentia, & Trini-
tatem in Personis, agnouit professusq; est. Et hæc qui-
dem in lege Naturæ; at quantò magis in lege Scripta &
Gratiæ? in qua nullus Iustitiæ, nisi qui & fidei sincerus
cultor est: quia teste Gentium Doctore, *Iustus ex Fide ui-
uit*: & ubi non est sana Fides, non potest esse Iustitia,
Phænix Doctorum AVEGVSTINVS, in can: ubi sana. 24. Q. 1.
Primæ sacratissimarum Legum, primæ sacrorum Cano-
num Rubricæ, Iura docentibus juxta ac discantibus, euol-
uendæ proponuntur, *de summa Trinitate & Fide Catholica*:
Professioq; eius omnibus Magistris, Doctoribusq; inaugu-
randis omnino præmittenda, edictali constitutione Ec-
clesiasticâ iniungitur. Quare Diuini humaniq; Iuris Con-
sultissimi Antistites, qui & numero Vestro, arcana veræ
Fidei mysteria enuntiat; & quâ obseruatione vnâ
Sanctam Ecclesiam habeatis, publicâ decertatione pro
Iure Immunitatis eius susceptâ, palam demonstrâtis: sur-
perest vt hoc ipsum, piâ cordis orisq; professione, in fa-
cie Ecclesiæ comprobetis.

PROLOQVIUM III.

Post Orationem Panegyricam, cujus thema fuerat:
Asylum periclitantis Ecclesiæ, Clypeus Serenissimi, ac
Potentissimi IOANNIS III. Dei Gratiâ Poloniarũ
Regis &c. continuans dicta Oratoris M. IOAN-
NIS IOSEPHOWIC Collegæ Minoris, Cancellariæ
Consistorij Crac. Regent. & ad insignia conferenda
accesum parans.

B

Hæc

HEc Tibi, Immunitatis Ecclesiasticæ Summo Affer-
tori, omnium ore Christianus perorat Orbis, ingen-
tibus ausis Tuis, heroicè vbique defensus. Regum Maxi-
me. At Craciæ Regni Tui Athenæ, quid prius dicant de
Te? Diuus quidem Iagello, Litauum Parnasso Lechico
addidit Bellerophontem; qui felici vngulâ, excusso ad
radices petrosi Vauelli, Castaho scientiam omnium Fon-
te; profusisq; vndique laticibus eius, totum irrigauit u-
berimè Septentrionem: at Tu, Augusto Clypei Tui Vm-
bone, contra Gorgones omniaq; aduersa, Palladem Aca-
demicam ita protegis & seruas: vt post Iagellonas Fun-
datores, Vladislaos periclitâti rei nostræ Statores, meritò
Suprema Salus Nostrum, & *Tutela præsens* audiaris. Quâ,
in Fontem hunc (de quo Te in prima iuuenta hauiss, li-
bens lubensq; palam gloriaris) profusam Regij pectoris
fauentiâ, hereditariam in Te transfudit Magnus PARENS
TVVS, Senatûs Poloni in Ordine Secularium, Primus Prin-
ceps. Qui Comitiorum Electionis Serenissimi VLADI-
SLAI IV. Tribunitâ cum Potestate, vno omnium Qui-
ritium suffragio dictus Director; Legem Sacratissimis ad-
numerandam rogauit: FLECTVS REX, CAVSAM ACADE-
MIÆ CRACOVIENSIS IN CVRIA ROMANA, aduersariorum
potentiâ: letaliter: vulneratam, interuentione suâ in inte-
grum restitueret; Pretiosam hanc Diui IAGELLONIS Mar-
garitam; Iagellonides ipse, vnicam in Regno seruaret:
ac deinceps ab omni æmulorum inuidiâ, angustijsq; sar-
tam rectamq; redderet. Diuinum hoc in Scholam Re-
gni beneficium, à Magno Parente Tuo profectum, à Di-

uo VLA-

uo VLADISLAO IV. feliciter peractum; Tu Tertius IO-
ANNES, Felix, Pius, Augustus, Seruator, Regio zelo
promoues: gratijsq; Tuis inspiras & vitam nobis, &
Laureis nostris Ver nouum aperis. Gaudes vberiore,
prouentu earum, & ne brutis fulminibus pateant, Scvto
protectionis beneuolentiæq; Tuæ circumdas. Vnde
& hodierna Laurûs Phœbæiæ decora, nonnisi adoratâ pro-
fundè Sacrà Regiâ Majestate Tuâ, Auguste noster & Me-
cænas, prodeunt in lucem: nonnisi Tuis sub auspicijs,
diem festum agunt. Tu qui nuper tres Viros Theologos,
Doctores creatos, præsentia Tuæ summo auctoramento,
in facie Vniuersitatis nostræ, recreasti gratiosissimè: eti-
amnum pari fortunæ corrente rotâ, in Facultate Iuridica,
Triumviris istis, in iure Doctõribus auctorandis; ab hac
Augusti vultûs Tui Majestate Sacratissima, præsens fa-
uensq; adesse non dedignaris. Quo in Mulas Nostras
Pro munere tanto d. grates persolvere dignas,

non opus est nostra.

Dî Tibi, si qua pios respectant numina, si quid
Vlquam iustitiæ est, & mens sibi conscia recti;
Præmia digna ferant. At Vos tam 'pro-
pitio rebus nostris, Principis Optimi animati numine, as-
surgite jam Viri altiùs; mentemq; ad egregia, quæ con-
summatae Vestrae, Vtroq; in Iure Prudētia offeruntur præ-
mia, aduertite attentam.

PROLOQVIUM IV.

Ad singula Doctoratûs in Vtroq; Iure Insignia.

Cathedra.

IAm primum est; virtutis eruditionisq; Vestrae coronamentum, Sacrorum Divae Themidis tergemini Mylla, Caelestis Aethrae lucida sidera, Praefidis Iulitiae noua gemmae, Sacerd; Iureconsultissimorum Virorum in Ternione, Vnio pretiose!. Primum (inquam) virtutis & eruditionis Vestrae coronamentum; locus hic amplissimi honoris; sed simul immensi & cum vita ipsa extremi laboris. Cathedra Doctoralis Professionis Iuridica: cuius Vobis actualem possessionem trado. Super qua aurei oris, auream hanc superscriptionem videte, in Can. multi Sacerdotes 40. dist: adnotatam. *Videte ergo (inquit textus) quomodo sedetis supra Cathedram! quia non Cathedra facit Sacerdotem aut Doctorem, sed Doctor Cathedram. Qui bene sederit super Cathedram honorem accipit ab ea: qui male sederit; iniuriam facit Cathedrae.* Quod Regius vates de se loquitur, 2. Reg: 23 hoc vnusquisq; Vestrum, sibi dictum reputet, sitq; *sedens super Cathedram Sapientissimus, Princeps inter tres.*

Epomis purpurea.

Quid verò Togatae militiae paludamentum hoc, ostro; Regiaq; purpurâ nitens? summum vtrique claritudinis Vestrae auctoramentum est: quia dehinc Imperatoriae Majestatis, summorumq; Principum *Antecessores* constituti, & *ad gubernandam in partibus Rempublicam* vocati *Proceres* audietis. per text: procer. Iult. Imper. Conuenit pro-

nit profectò; Viro de iure publicè respondentì color hic:
quia ille erubescit sine lege loqui: & videre habet necesse,
non solum quid in nigro; at etiam quid in rubro, lex mu-
ta loquatur: ne dum verba legis complectitur, & contra
legis sententiam voluntatemq; nititur; tantò grauius cō-
mittat in legem, l. nominis. ff. de v. s. c. certum est, de
reg. iuri in 6.

Libet.

ENimverò cūm Majestatem Imperatoriam, Regumq;
Purpuras, non modò vis armorum ornet; at etiam
legum custodia armet, per text. procem. Iust. Imp. ideoq;
magnus ille Romani Imperij Princeps, non aliter censerì
voluit; nisi ex utroq; Cæsar. Librum, seu mavis Libram
hanc, utrāq; lance juris, ex æquo & iusto appensam, Vo-
bis consigno. Statera hæc, quā cælestis Altræa res diui-
nas humanasq; ad æquipondium librando moderatur;
nusquam à Vestris manibus excidat: vt Iuris Dictatores,
*æquum ab iniquo, iustum ab iniusto separantes, veram non su-
catam Philosophiam,* in Orbis facie profiteamini. l. i. ff. de
O. l. Clautum hunc trado: quia licet omnis lex, om-
nisq; canon, debet esse rationalis: can. Chorepiscopi.
68. dist. c. Si quando. de rescriptis. l. cūm ratio. ff. de
bonis damnat. non omnium tamen, quæ in jure dispo-
sita sunt, ratio reddi potest. l. non omnium. ff. de ll. &
S. C. Eundem do apertum: vt semper habeatis præ o-
culis Iuris Doctores, quod dicitur in c. canonum. de cō-
stitutionibus. *Canonum Statuta custodiantur ab omnibus.*

B3

E nemo

*Et nemo in actionibus, vel iudicijs Ecclesiasticis suo sensu, sed
eorum auctoritate ducatur. Concordat pulcher textus, in
Statuto huius Regni v. Iudex. Iudices terrarum Regni No-
stri, Constitutionibus innixi, Et ex ijs eruditione sumpta, in iu-
dicando conseruent, stateram aequitatis.*

Mitra Doctoralis.

ERuditarum insigne decus, & tutamen frontium, Mi-
tram Doctorem temporibus Vestris addico. His
Vos Diua Themis Infulis, Sacrorum suorum Flamines,
Diales inaugurat: hanc tesseram *secernit populo, Et terrarum
Dominos euehit ad Deos.* Color ejus, noctium umbris
concolor, Doctorem Iuris admonet: ita continuet stu-
dium, nocte dieq; legat. ut dicit glos. proceem: Inst. Imp.
quatenus ad danda responsa de Iure, cum Baldo, mane
exoriatur ut lucifer, totumq; illuminet mundum. quod
vult authen. Habita. C. ne Filius pro Patre. Forma hæc
supernè quadrata, rotunda infernè, innuit, *justum Et te-
nacem propositi Virum*, Iudiciorum Præsidē, & Consultorē;
qui non prece agatur in orbem, non pretio; sed immotus
amore vel odio, æquum ab iniquo separet, licitum ab
illicito secernat. per text. allegatæ l. 1. ff. de O. l. Is ipse
in discernendo negotio vertente, præcipitantiam omnem
vitet: quia hæc nouerca Iustitiæ est. Clem. Pastoralis.
de sententia & re iud. At neq; dispendiosam Iudicij prote-
latione Iustitiam remoretur, & partes contententes gra-
uet. Clem. Dispendiosam. de Iudicijs.

Annulus.

Annulus.

Ivs annuli, solis olim Equitibus concessi. vt notat glos. marginalis in l. sed si hac ff. de in ius vocando. Signum hoc veræ, quæ ex virtute est, Nobilitatis, Vobis superaddo. Arrha ista fidei, & indissolubilis vinculi: hic aureus Orbis, mediâ geminâ, velut sole meridiano illustris, debetur Doctoribus, eâdem domo, eâdem professione coniunctis: quibus dictum est, *Vos estis lux mundi: & qui erudiunt multos ad iustitiam, fulgebunt sicut stellæ firmamenti in perpetuas æternitates.* Et quidem hic, præ ceteris semper Vobis, non alibi habendus, ceu perpetuus monitor: quatenus *sic luceat lux Vestra coram hominibus, vt videant opera Vestra bona.*

Osculum Pacis.

Ad hæc Osculum Pacis Vobis impertio. In osculo Sol' iustitiæ mundo oriturus, humanitati nostræ incorporatus est; suauiter à sponsa sua Ecclesia inuitatus: *osculetur me osculi oris sui.* In osculo DEI, Diuinus Legislator, diem supremum & Scriptæ Legis volumen clausit: Iustitia de cælo prospiciens, Pacem in terris osculo excepit. Hoc dulci libamine intimæ caritatis, de corde in sincerum os redundatis, Isaac dilectum Filium Iacob, Principem auctorauit, & ad ius Primogenituræ inuestiuit. Hoc & ego Vos, Inclytæ Facultati Iuridicæ incorporo Principes: ac tandem quod supremum superest:

Inuocato Nomine Domini Nostri IESV Christi, à

quo

quo bonum initium melius medium, & optimus finis sequitur.
 glos. proœm. Inst. Imper. gratiaq; eius adstite, qui *Legi-
 fer Noster* est, & *Sol. iustitia*. Auctoritate Vicariæ interris
 DEI Potestatis, Summi Ecclesiæ Pastoris, Sanctissimi Dñi
 Nostri INNOCENTII XII. Pont. O. M. Felici au-
 spicio Serenissimi Inuictissimi Principjs D. Nostri Clemē-
 tissimi IOANNIS III. Poloniarum Regis, M. D. L. Rus-
 siæ, Prussiae &c. semper Augusti: totiusq; Serenissimæ Re-
 ipublicæ Polonæ Iurispatronatu & Patrocinio. Benefi-
 cio & licentiâ Celsissimi Principis, Illustrissimi Reueren-
 dissimi Dñi IOANNIS de Malachouice MALACHO-
 WSKI Episcopi Crac. Ducis Seueriæ, Vniuersitatis No-
 stræ Studij Generalis Cancellarij fauentissimi: & meâ quâ
 interim fungor Potestate, Ego Vos tres Viros, Iuris Vtri-
 usq; Doctores creò, creatos clarâ voce renuntio: dans
 Vobis potestatem de jure publicè respondendi, omniaq;
 in vniuersum munia Doctorû Iuris Vtriusq; exequendi,
 hic & ubiq; locorum: idq; *In nomine Patris, & Filij,
 & Spiritûs Sancti, Amen.*

Ornamenta Actûs exteriora, fuerunt ista principaliora.

Supra Cathedram PROMOTORIS, Iconica Imago Serenissimi
 Regis feliciter regnantis, media inter florentes laurus, victri-
 cesq; palmas. Supernè Diadema Regium, infernè Clypeus Se-
 renissimi. cum inscriptione: *Tutela præsens.*

Supra Cathedram ORATORIS, Genius opposito Serenissimi
 Clypeo, ab infestis Lunæ Orientis radijs, Orbem Christianû ser-
 uans. inscriptio desuper: *Circumdabit te a timore nocturno.*

